

吳橘生先生崇祀江蘇名宦錄

陳壽昌題簽







特旨入祀江蘇名宦

禮部謹

奏為遵



旨議奏事禮科抄出江蘇巡撫徐有壬會同兩江

總督何桂清江蘇學政孫葆元題請原任江

蘇按察使吳其泰入祀名宦祠一疏奉

旨該部議奏欽此欽遵到部查例載各省入祀名

宦由部確覈事實倘名實不能相副及僅以

人品學問空言譽美者即行指駁以昭慎重

其三品以上大臣身後題請入祠者專摺具

崇祀名宦錄

一部議摺

奏等語今原任江蘇按察使吳其泰據江蘇

巡撫等題請入祀名宦祠並造具事實清冊

送部臣等查原冊內開該故宦係河南固始

縣人中式嘉慶二十五年進士由編修陞授

御史補授浙江湖州府知府歷陞江蘇按察

使其任蘇松太道時上海城垣日就傾圯該

故宦倡捐養廉銀一千兩親督官紳籌辦工

需不遺餘力事畢不邀獎敘上海當江海要

衝水勢猛悍商船時有淹溺之虞又倡捐銀

三百兩設立救生局僱備船隻設法撈救道光十三年秋雨傷禾上海城鄉遺棄幼孩滿路該故宦倡捐設局收養存活甚衆十四年春委員分查上海城鄉各處應賑戶口施賑三月訪有剋扣侵吞者卽行懲辦奸蠹斂跡實惠均霑蘇州白茆河久淤未浚該故宦倡捐銀一萬兩僱令饑民疏治以溉民田而通商旅用示以工代賑之意嘉定安亭鎮有明歸有光讀書處邑人卽其居創建書院生童

崇祀名宦錄

二部議摺

膏火無出該故宦捐廉添設二十九年三吳水災人民流離甚衆該故宦時署臬司總辦通省賑務撫卹災黎不辭勞瘁全活者不下數十萬家臬司兼轄大江南北案牘山積該故宦自朝至暮悉心研究務得實情獻疑獄多所平反所有已故江蘇按察使吳其泰請入祀名宦祠之處臣等核其事實洵屬名實相副謹擬如該撫等請准其入祀江蘇名宦

祠恭候

命下臣部遵奉施行事關三品以上大臣崇祀謹
專摺具

奏請

旨

咸豐十年三月初八日奏本日奉

旨依議欽此

崇祀名宦錄

三部議摺



旨

欽此

旨

奏請

專摺具

命下臣部遵奉施行事關三品以上大臣崇祀謹

江蘇巡撫徐

題爲公舉崇祀名宦事據蘇州布政使王有齡
署江蘇按察使蔡映斗會詳據蘇州府詳稱
案據郡紳知州銜前湖南新甯縣知縣朱翔
鳳戶部員外郎軍機處行走吳嘉淦道銜候
選郎中韓崇前刑部郎中候選道潘曾璋前
任廣東南雄州知州吳毓鈞同知銜前任廣
東香山縣知縣吳思樹鹽運使銜分部行走
郎中汪錫珪鹽運使銜候選道汪藻浙江候
崇祀名宦錄

四 題本

補同知彭慰高五品銜前工部主事蔣德馨
知州銜前江西靖安縣知縣祁啟萼議敘入
品銜董世帷等呈稱竊惟

聖主酬庸勲業與鼎鐘並壽儒臣遺愛姓名偕俎
豆俱馨凡有功德於斯民合副褒揚之

盛典召公已去仰棠蔭而興謳朱邑難忘過桐鄉
而立廟雖當日臣心如水遑思美報於

恩施願此時衆口成碑益繫去思於民望峴首之
珉猶在樂公之社宜崇駿譽久融蟻誠願達

茲有故宦前任江蘇按察使司吳其泰家傳
閱閱世襲簪纓縹緗富學於丁年篝火習勤
於午夜一家師友聯牀廣伯氏之壩百斛才
華脫稿貴洛陽之紙旣而標名蕊榜視草槐
廳寓經濟於文章鳳池揮翰本詞臣爲循吏
熊軾宣猷方其出守吳興慕劉寵一錢之選
厥後量移杭郡來廉公五袴之歌琴鶴雙清
林鴉一變以雋不疑平反之手爲蘇子瞻儒
雅之官召杜同聲誰非父母龔黃易地共戴
崇祀名宦錄

五 題本

神明爰移浙右之旌遂駐滬濱之節

天聽不遠循良膺

帝簡之殊恩臣節無虧稽察慎海防之重任商船雲
集稅有常經吏舍冰清關無苛斂不染腥羶
於鮑肆大臣法斯小臣廉莫工權算於魚鹽
除一弊卽興一利蕭然囊橐無愧官方緬厥
典型尤多善政城垣未固知雉堞之宜修土
石誰興歎鳩工之非易他若弄潮上下濱海
汪洋或失足於鷁頭卽葬身於魚腹溺由已

溺誰無卹死之情防不勝防爲設救生之局
更有饑寒之門戶每多遺棄之嬰兒彼呱呱
者總屬無知宜汲汲乎拯其所急惟時故宦
知民疾苦次第舉行節鶴俸以捐貲身先倡
率譬狐裘之集腋手自經營旣好善而樂施
更歸功於衆美方癸甲被災之歲正青黃莫
接之時田廬半涉洪濤溝壑每多朽骨招商
招販類臧孫請糴之文議賑議蠲餼罕氏一
鍾之粟種蕪菁以助食裹芋菽而爲糧戶口

崇祀名宦錄

六

題本

牌分魚鱗編次吏胥弊絕蠹跡潛消或創議
以開河實借工以代賑四鄉安輯頌聲徧黃
葉村中一水疏通尸祝到白茆河畔羣黎感
德多士欽心方書院有成規亦傾囊而相助
督諸生以肄業經義與治事兩齊踵前代之
遺型嘉定實震川一脈凡茲究心民瘼儲育
賢才皆故宦涖滬以來政績之大者泊柏臺
權篆之年值蘇省歉收之日鮫居魚窟食少
蒲羸鵠面鳩形民多菜色擬鄭俠繪圖之舉

愧黔敖食路之譏萬口號啼悵流離之滿路
一心怵動宜慷慨而指困熟手彼資舊章可
率分厥二十九所本杜陵廣廈之懷荒政十
有二條循周禮司徒之職汎舟及絳關稅從
寬粳糯來吳招徠益廣方留養而資送澤及
鬻桑且除暴以安民類分良莠閭井旣帖然
而無患萑苻亦凜乎其難留上紓

宵旰之厯下慰黔黎之望旣而肇羅移鎮章贛分
巡借寇徒殷攀轅莫及迨粵氛告警近迫金

崇祀名宦錄

七 題本

陵江介多才更需籌筆澤鴻失所幸看榮戟
之重臨風鶴驚心庶保藩籬以自衛整軍威
於甲仗磨盾方嚴聆戰鼓於申江跳梁未靖
及奏功於露布猶伏莽於江湄獸散鳥飛分
頭截擊狼奔鼠竄併力殲除忽傳螳臂之當
車敢效鯨波之肆虐一鄉無賴恣意猖狂三
尺綦嚴隨時擒戮不假鷹揚之將士共欽烏
府之聲威謂五刑嚴出入之防知一字關死
生之大丹書雪亮鮒輒沾恩白簡霜飛豸冠

峻望方幸居官日久長垂樾蔭於吳中詎知
回籍星奔竟赴蓉城於地下從此涕零父老
感動閭閻採聞望於弦歌鑄金願切紀頌揚
於德政刻木心虔鑒茲鼓舞之民情共盼

鸞綸錫命宜附苾芬之秩祀以昭牲醴隆文伏思

名宦之祠夙重褒功之禮合詞陳籲衆論僉
同特呈事實清冊伏懇轉詳等情到府據此
當經札飭長洲縣取具各紳士切結由縣照
例加結造冊詳候看轉去後茲據長洲縣詳

崇祀名宦錄

入 題本

稱遵卽飭據各紳士具結前來該長洲縣知
縣李翰文核看得故宦前任江蘇按察使吳
其泰家傳閎閱學富縹緲本造鳳之近臣爲
懸魚之太守厯越江而麟符奏績素著廉能
來吳會而豸府宣猷尤堪稱頌禦災捍患萬
姓紓饑溺之憂除暴安良四境獲生全之慶
重文學而菁莪繼化平獄訟而桎梏無冤淵
源可溯經術發爲經綸祀典宜崇名賢允稱
名宦合將呈到切結同事實冊加結詳祈加

看轉詳等情到府據此該署蘇州府知府蔡映斗核看得故宦前任江蘇按察使吳其泰世衍簪纓名高棣萼丁年學富稱孝友之門楣乙第聲蜚自蓬瀛而出守責重冀黃以上海晏崇勛望隆粵豫而遙冰清率屬創育嬰局則一片婆心繪流民圖則萬間廣厦水利興而資灌溉書院創而蔚人文兩浙東西早有懃棠之戴大江南北尤銘鋤莠之恩綜柏臺之政蹟纍纍悉見詩書經濟類桐鄉之興

崇祀名宦錄

九

題本

情戀戀允堪俎豆馨香相應加具結看同事實冊結詳祈鑒轉等情到司據此該蘇州布政使王有齡會同署江蘇按察使蔡映斗核看得已故前任江蘇按察使吳其泰言坊行表品懋學醇清白乃心守郡則萬民戴德慎勤爲政陳臬則通省沾恩勲名先著於越江功烈尤昭於吳會救饑拯溺民無凍餒之虞除暴安良案無滯留之牘凡茲惠澤及人悉屬實心爲

國既相符乎名實宜祀典之攸崇茲據該府縣查明取造冊結加結詳請崇祀名宦前來相應加具結看會核轉詳伏候具

題等情到

臣

據此該

臣

看得已故前任江蘇按

察使吳其泰績著循良心殷撫字握麟符而出守越江之惠政宏敷移豸節以宣猷吳會之豐功尤著開河設局民無饑溺之憂戢暴懲奸人獲安全之慶整軍威而逆氛寒膽重文學而多士欽心凡茲寬嚴治理具徵學術崇祀名宦錄

十 題本

經綸生前之樹立孔嘉堪勒名山之碣身後之英靈不爽合棲古柏之祠允宜報以馨香庶足昭其勲業茲據蘇州布政使王有齡會同署江蘇按察使蔡映斗取具冊結加看詳候具

題請祀名宦等情前來

臣

覆核無異除冊結送

部查核外謹會同兩江總督

臣

何桂清江蘇

學政

臣

孫葆元合詞具

題伏乞

皇上聖鑒勅部議覆施行謹題請

旨

咸豐九年七月二十三日題本年十二月十

四日奉

旨該部議奏欽此

崇祀名宦錄

十一
題本

音韻譜類奏摺批

四日奉

咸豐九年七月二十三日題本年十二月十

旨

皇上聖鑒勅部議覆施行謹題請

原任江蘇按察使司吳 事實

一故宦姓吳名其泰河南固始縣人自幼力學出身清要素著廉能厯官浙江湖州杭州府知府綽有政聲道光十二年壬辰補授江南蘇松太兵備道赴任上海稽查江海關務剔弊除奸整齊畫一商民德之蒞任三載正色率屬潔清自矢善政不可枚舉至今紳士商民口碑載道稱頌不衰其操守廉潔治理嚴明如此

崇祀名宦錄

主

事實

一上海城垣日就傾圯自故宦蒞任倡捐廉銀一千兩親督官吏紳董籌辦土石工需不遺餘力事畢不邀獎敘上海當江海要衝水勢猛悍潮汐往來商船上下時有淹溺之虞又倡捐銀三百兩設立救生局僱備船隻設法撈救生者給賞死者掩埋其留心民瘼勇於爲義如此

一道光十三年秋霪雨傷禾哀鴻遍野上海城鄉遺棄幼孩號啼滿路慘不可言故宦

倡捐銀三百兩督率紳董置育嬰局收養棄兒存活甚衆踴躍樂施擇其首善者給匾獎勵鼓吹送至其家其慈幼爲懷保全民命如此

一道光十四年春勸捐賑濟委員分查上海縣城鄉各處應賑戶口若干復擇賢員實心勘核以杜冒濫計口十五萬餘勸捐銀八萬有奇施賑三月密遣人明查暗訪有剋扣侵吞者卽飭縣懲辦奸蠹斂跡實惠

崇祀名宦錄

三

事實

均霑其愛民如子體卹周詳如此

一水災之後米價騰貴民食維艱詳請招商赴關東山東各處購販襍糧數月之間至八十萬石有餘小民藉以生活其濟困扶危善於調度如此

一蘇州白茆河久淤未浚故宦創議開河偃令饑民疏治以漑民田而通商旅用示以工代賑之意當卽捐廉一萬兩稟明不邀獎敘適捐款計有贏餘僅用五千兩以所

餘一半留爲蘇城義倉育嬰堂之用其樂
於爲善孳孳不倦如此

一嘉定安亭鎮明歸氏震川讀書之處邑人
卽其居創建書院生童膏火無出故宦慨
捐千金玉成厥事其培養人材本於至性
如此

一道光二十九年己酉三吳水災田廬淹沒
最廣二麥不登人民流離困苦莫可言狀
時故宦甫權臬篆經大府委辦通省捐賑

崇祀名宦錄

十四

事實

事務設局郡廟集紳會議倡捐錢一千串
勸令紳富書捐極爲踴躍計長元吳三邑
共捐四十萬餘緡分賑二十九處計口授
食存活者不下四十萬戶復札飭通省一
體照辦集捐三百六十餘萬緡出納均責
成紳董不假吏胥之手刊有徵信錄以誌
其實其撫卹災黎不辭勞瘁如此

一吳中自己酉水災以後米價昂貴卽詳請
奏免商販米船關稅以廣招徠於是商販絡

繹而至民氣乃蘇是時貧民乏食者往往糾集多人在途搶奪卽出示嚴禁復札飭屬吏分頭梭織巡查有犯必懲每夜自行密查分巡各官分別勤惰以示賞罰民賴以安其除莠安良寬嚴備至如此

一蘇省爲南北要衝各處糧艘回空過境逗留滋事民不堪擾節經札委幹員前往嚴行彈壓催趲歸次該幫船聞風相戒遂各銜尾開行自此各省漕艘過境無敢譁者

崇祀名宦錄

五

事實

其聲威遠樹安戢人心如此

一蘇臬兼轄大江南北刑名案牘每日積至數尺有餘自朝至暮必悉心研究務得實情謙疑獄活死罪多所平反不厭精詳其慎於斷獄明察秋毫如此

一咸豐四年甲寅實授江蘇按察使司大府委辦軍需局務勸捐籌餉昕夕不遑乙卯元日上海收復巨魁餘匪逃竄各處閭井譁然立飭屬吏嚴行搜捕悉數殲除時吳

江縣民陸曉中以抗租滋事糾集多人拒捕劫搶復逃幹員帶領練勇往捕隨卽就獲督率府縣晝夜研審分別錄辦吳中賴以安堵其戢暴嚴明消患未萌如此

崇祀名宦錄

夫

事實

憤於斷獄明察秋毫如此
一以愛舉其羶暴殲即解患朱簡破地
蘇晉率領灑盪齊亦善長限殺無異中
蘇離館於畿韓員帶餘縣更封蘇調
王總吳幽朝中以抗租滋事除禁逐八班

維咸豐七年歲次丁巳夏六月戊辰

皇清誥授通議大夫 晉封資政大夫前任江蘇

按察使司按察使橘生吳公卒於保定旅寓春秋

六十有八越五月哀訃至吳門吳中紳士彭蘊章

宋翔鳳吳嘉淦韓崇潘曾璋吳毓鈞吳思樹汪錫

珪汪藻蔣德馨祁啟萼董世帷等緬遺愛以弗諼

茹沈哀而罔錫謹濡淚和墨爲文祭於 公之靈

曰嗚呼箕尾星移龍虵歲阨蠡像金銷羊碑石泐

風淒藥社雲慘桐鄉懷人捐珖思舊停觴肅惟我

公祭文

公靈鍾嵩嶽渤海名宗安豐貴族髻年岐嶷頭

角熊熊渟淵峙岳彪外弼中堂構始基醉經味道

藝圃舒翹儒林發藻桂攀秋幹杏綰春枝簪花閨

苑珥筆蓬池史院深嚴玉堂清秘鈴索風和花磚

日麗三長績學五字掄才書成東觀秩晉西臺白

簡飛霜繡衣持斧爭避花驄誰櫻乳虎鎖闥監試

京庾籌糧別釐蝨蠹慎重關防臣節風清

至恩山重五馬美官三刀吉夢吳興清遠按部初

來窪尊亭古六客堂開帆轉錢江旌移河渚三竺

班春六橋覽古白蘋汀畔紅藕湖邊

皇恩許住例止三年財賦東南誰司杼軸巨浸吳
淞雄關滬瀆 公來監郡竹馬歡迎白隄花艷韋
寢香清襟上酒痕袖中詩卷引疾匆匆布帆南返
民思借寇

帝亟求賢車廻函谷星轉吳天粵歲戊申提刑攝
篆天作霖霖地荒沃衍竈沈蠹產甌墮魚生道殣
相望蒿目撫膺大餽國人振廩同食續命設湯汎
舟董役鴻陂羹芋蟹堞宜禾雞坊鶴市銜恩孔多
甘雨此週慈雲彼適粵嶺分巡章江權臬元二大
劫江右震驚豺牙伏莽蟻聚梯城 公奮威稜乘
堙固守縱礮殲渠伏罌偵寇十盪十決九地九天
烏合解去累卵獲全民保厥居

帝嘉乃績翠羽酬庸襜帷表德從茲大用

特簡是膺北門鎖鑰河東股肱式是南邦需君卧
理民間 公來望塵色喜兩淮漕運十府糧儲遂
超廉鎮露冕建旆風鶴遙傳臯離未帖渠弭有睹
夷庚是塞吹鞭警角野戍村烽里民安堵驂篠扶

筇持節拊循温言慰藉戴白垂髻滿 公車下章
甫方來麻衣又歸嗅鞞留戀霑襟助哀漳河之濱
逋逃淵藪道出龍門城當虎口墨經從戎黃巾解
攻洪州之捷功與此同綜 公生平半跡江左玉
局因緣法和香火 公之慈惠賙恤凶荒似蒼賑
粥方黠發倉 公之勳勞危城力保譬單救齊如
談存趙吳趨三至 公以名堂蘇思陽美孔愛句
章庶幾淹留靈光無恙天不憖遺邦何倚仗嗚呼
我 公世篤忠貞 公歸東洛郎仕北平官鼓方

三

公祭文

迎安輿同載仙龕已成雲旗忽邁故山之麓紫水
白崖景彫松檜氣憤風霾嗟我邦人甘棠勿翦打
鼓挽攸刊碑思阮井泉未改海石雲藏 公歸不
復襟淚浪浪嗚呼我 公聲施烏奕功在旗常名
垂竹帛生芻寄奠露薤流歌臨風緘恨慟也如何
哀哉尙饗 公生平半跡江左玉

車下章甫方來麻衣又歸嗅鞞留戀霑襟助哀漳河之濱
逋逃淵藪道出龍門城當虎口墨經從戎黃巾解
攻洪州之捷功與此同綜 公生平半跡江左玉
局因緣法和香火 公之慈惠賙恤凶荒似蒼賑
粥方黠發倉 公之勳勞危城力保譬單救齊如
談存趙吳趨三至 公以名堂蘇思陽美孔愛句
章庶幾淹留靈光無恙天不憖遺邦何倚仗嗚呼
我 公世篤忠貞 公歸東洛郎仕北平官鼓方

